

تاریخ وادبیات

حامد

ملك وملتہ نافع ، تاریخ ، ادبیات ، فنون ، اقتصادیات وشئون سائرہ متعلق مباحث مفیدہی حاوی مجموعہ شہریہ در

فضائل عالیہ ایلہ مزین وکالات جلیلہ ایلہ معنون اولان
خليفة اصاح وارشذ ذی شان سوکیلی عبدالحجید بن
عبدالعزیز خان اقدمز حضر تارینک سایہ بخشای مسند
جلیل خلافت اوله رق آلائی والا و مراسم عظما ایلہ
فاتح جامع شریفہ عزیمت هایون بیوروب ایلک جمعه
خطبه سنک نام جلیل خلافتنا هیلرینه قرائتی متضمن من
غیر حد انشاد اولان تاریخ عبودیت قرین « تاریخ وادبیات »
مجموعه سنه درج ایلہ ترین ستون مفخرت اولندی .

مجد عال العال ایلہ تعظیم بی امثال ایلہ

بر عمر خصلت بو کون اولدی امام المسلمین

شاد اولای اقبال آتی فخرایت ای دور جدید

اولدیکز ابن العزیزک مقدمیلہ کا مبین

مفخر نور خلافت افتخار کائنات

آفتاب معدلت آرایش محراب دین

عون وامداد جناب خالق ذوالعرش ایلہ

عودت ایلر بعدزین آشایش روی زمین

جامع فاتحده بو ایلک جمعه ده موجود ایدم
زیر وبالا ایلوردی حمد رب العالمین
منبرایتدی حمد ایلہ عبدالحجید اسمن عیان
اولدی محراب کزین الحمد لله قرین
بونده در شمدی وکیلی حضرت پیغمبرک
بونده در بی شبه روحانیت روح الامین
شرع ایلہ اولدی خلیفه [۱] بیعت و تبریک ایلہ
واجب اولدی شاعرانه ضبط تاریخ کزین
مستدام اولسون خلیفه شاد کام اولسون وطن
باقی اولدقچہ (امیری) دور افلاک وزمین
چار یارک عشقنه دوشدی بو تاریخ گهر
حضرت عبدالحجید اولدی امیر المؤمنین

سنه ۱۳۴۱

[۱] « شرع ایلہ خلیفه » « مشروع خلیفه »

سنه ۱۳۴۱

سنه ۱۳۴۱

ادر نه ده سلیمیه جامع شریفی [۱]

ما بعد

ادر نه ده متکای غز و اجلال اولدیفی ائساده اشاقی برگون
راعی پاشا حین ریاستده صدر اعظم مجموعه زاده حسین
پاشا حضر تارینک مجلس سعادت اتمالویه مستعد اولوب
رجال دولدن دخی بر قاج ذات ستوده خصم الار اول

الحق استانبول طرفاسندن بری بن بو جامعه ده
برقصور بولدم دیو ادعا ایتدکده نه در دیو سوال ایدر لر
جوابنده ایدر بو جامع شریف محرومه اسلام بولده اولوب
شمیه ادر نه ده اولدیفیدر دیش. بر روایتده سلطان مصطفی

[۱] اوچنچی نسخه ده کتابک مقدمه سنده ذکر ی مرور ایلدیکی اوزره جنتمکان سلطان محمود خان اول عصری فضلاسندن
روم ایلی ایالتی دفتر کتخداسی دایه زاده مصطفی افندیکنک تألیف قیمتداریدر .

بنده کزہ ایضاح بویورمش ایدیکیز . تکرار تکرار
تشکر لرمی سزه بیان ایدہ رکن سزدن برشی رجا ایدہ جکم .
صوک مجموعہ کزہ ادرنہ دہ کی مشہور سلیمہ جامعہ عائد
اولان وایکی یوز سنہ اول مصطفی دایہ زادہ طرفندن
تحریر ایدیلن رسالہ سلیمہ نام رسالہ قیمتداری تفرقه
ایتمک باشلادیغکزی کوریورم . اثرکزک باشندہ تفرقه
ایدیلن مذکور رسالہ نک مجموعہ کزک صوک فورمہ لرحالندہ
نشری مساعده کزلہ نیاز ایدہ رم . اثرک بو صورتہ
فائلہ لزلہ ختامندن صوک وکرہ اوراق بر جلد درونندہ
قیمتدار بر خاطرہ اولارق صافلانہ بیلیر . حق عالیکزہ
تجاوز ایتیمک شرطیہ قابل اولورسہ بولطفککزک بو
صورتہ رایگان بویورمش رجا ایدرم . چونکہ سزکدہ
یک زیادہ تحسین بویوردیغکز بواثرہر جهتہ لایق اولدینی
اهمیتلہ قاشیلانور . بوسیلہ ایلہ دہ سزه ایفا ایتمک
بورجلی اولدیغ تشکر لرمی حرمتلرملہ بیسان ایدہ رک
الریکزدن اوپدرم اقدام . ۲۲ تشرین ثانی ۳۳۸
بزم عالم والدہ سلطان خستہ خانہ سی اطباسندن

دوقتور سہیل

مجموعہ

الحق « بر مشہر فضیلت » اولان دفتر خاطرہ اتکزہ
برسنہ مقدم بازمش اولدیغ سطرلردن بنی خبردار ایتدیکزہ
تشکر ایدہ رم .
خصوصیلہ خلیفہ اعظمز امیر المؤمنین افندمز حضر-
تلیرنیک لطفاً و تواضعاً و قتیلہ نقشطراز صحایف سیوردقلری
حکیمانہ و جهانپسندانہ کلمات طیہ ہایونلری برستشکاه لوح
وجدان ایدلسہ شایستہ در .
ادبامزدن یشارشادی یک افندینکدہ قیمتلی بر مجموعہ
خاطرانی وار ایدی . خلیفہ فضائلناہ افندمز حضرتلری
لطفاً و عنایہ او مجموعہ قیمتداری دہ خط ہایونلریلہ ترین
بیورمش اولدقلری مشہود نظر مفخرت چاکرانہ اولمشدی
کاشکی یشارشادی یکدہ نشر بیورمش اولسہ لر ؛
ادرنہ دہ کی سلیمہ جامع شریفی حتمندہ تفرقہ ایدیلن رسالہ
قیمتدارک مطبعہ حروفانندن آریجہ کتاب شکلہ افراغ وائہ حق

صورندہ باصدیرلمسی حقندہ کی مطالعہ و تکلیفکز مصیب
وطوغریدر . لکن شومکتوبکزی آلدیغ صرہ دہ مجموعہ مک
ایکنجی نسخہ سندہ و قتیلہ دیاربکرده بولنان برمیلون قرق
بیک جلد کتابی حاوی غایت عظمتلی وجہیم رکتبخانہ
دائر یازدیغ مقالہ یہ نوط اولہرق چقان رسائل وغرنہ لک
ایکیشر نسخہ سی کوندرلیکدہ اولان معارف نظارت
جلیلہ سیلہ مجلس تدقیقات شرعیہ ومدعی عمومہ لک جانب
والالزینک ، اخلاقکزک سقوطنک اسبابی وبونک منعی حقندہ
لازمکلن معاملہ یی ایفا ایتمک اوزرہ نظر دقتلری جلب
ایتمش ایدم . بو حقیقتہ داوود پاشا مکتبی مصری عبدالباقی
فوزی افندی کنڈیسنی « قدح و ذم » معانی ویرہ رک
حقمدہ واقع اولان مراجعتی اوزرینہ برنجی محکمہ جزادن
۳۰ تشرین ثانی پنجشنبہ کونی محکمہ یہ کلمکلمک ایچون
دعوتناہ ورود ایتیمی اوزرینہ آنک مدافعہ تدرکاتندہ
بولغہ مجبور اولدیغمدن ہیچ برشیئہ باقہ مادم یوم محاکمہ
ایلہ مجموعہ مک یوم نشری اولان ای غایہ نی برکونہ تصادف
ایتدیکندن مجموعہ می دہ یوم معیندہ نشرہ موفق اولہ مدم
یوم مذکورده محکمہ یہ کیتمش ایسہ مدہ عبدالباقی فوزی
افندی کلامش اولدیغندن یوم محاکمہ بو پنجشنبہ کونہ تعلیق
اولوندی . برسنہ دن بریدرملغا « پیام صباح » وہ آی ددہ
غزنیلرلہ کرک حقمدہ و کرک برچوق قیمتلی معلمین محترمہ
حقارندہ یازمدینی بی ادبانہ سوزلر ونشر اعلان الیدیکی
حقارت آمیز واستخفاف انکیز تعبیرلرقالمدینی حالہ وبو حال
میدانده ایکن ترقی ملت ووطنہ چالیشمقلہ میاهی تمش یاشندہ
بربرفانی بولنش وشمیدی یہ قدر جزا محکمہ لرینک قیوسنی
یلہ کورمامش ایکن بو صرہ دہ بویلہ بر حالہ اوغرامقلغم ،
تفرقہ ایلدیکم سلیمہ جامع شریفی کتابخی آریجہ کتاب شکلہ
وضع ایتمک شویلہ طورسون بلکہ بوندن صوکردہ بو مجموعہ ی دہ
چقارمغہ دوام ایتمک شمدیلک بو عبد عاجز جہ غیر معلومدر
بونک ایچون تکلیف خبرخواہانہ کزی اسعاف ایدہ مدیکمدن
دولابی عرض اعتذار ایدرم . مقصد خزان مجلدات ماتدہ
نسخہ نادرہ دن اولان مذکور کتاب قیمتدارک خوف
ضیاعدن محافظہ سی ایسہ مندرجاتی بو صورتہ نشر وانظار
عامہ یہ وضع ایتمک ایلہ تأمین ایدلمشدر اقدام .